



Kgothatso Montjane naletsana ya tenese

Glanice Masilo
Sibusiso Khumalo



Pale ena e bua ka Kgothatso Montjane.

O tswaletswe Polokwane ka selemo sa 1986,
motseng wa Seshego.

Ngwananyana enwa o tswetswe ka lefu le
tshwaeditseng matsoho le maoto a hae.

Empa le ha ho lefwalo o ile a tuma ka ho ba
naletsana ya tenese.



Ka lebaka la lefu lena, dingaka di ile tsa tshwanela ho mo kgaola leoto le leng ka tlasa lengwele. O sebedisa leeto la polasitiki.

Ha esale ngwana, bana ba bang ba ne ba sa rate ho bapala le yena ka baka la boqhwalala ba hae.

Empa mmae o ne a sa mo kgese, le yena o ne a mo abetse mesebetsi ya ka lapeng.



Mme wa Kgothatso o ile a mo romela sekolong se ikgethileng sa Helen Franz. Sena ke sekolo sa bana ba qwhadileng.

Ke sekolong sena moo Kgothatso a ileng a bontsha talente dipapading.

Sekolong sena ba ile ba mo ruta tantshi ya *Ballroom* le ya *Latin American*.



E mong wa matitjhere a Kgothatso, o ile a mo kgetha ho emela sekolo sa bona kampong ya tenese e neng e le Johannesburg.

Kgothatso o ne a soka a bapala tenese!



Kgothatso a bapala hantle kampong ya tenese. Ena ya eba qalo ya leeto la hae la ho ba naletsana ya tenese e sebedisang setulo sa mabidi lefatshe ka bophara.

A fumana nyehelo ya setulo sa mabidi le disebediswa tse ding tsa tenese.

O ne a le tseleng ya ho ba e mong wa dibapadi tse qhwadileng tse hlwahlwa Afrika Borwa.



Kgothatso a qala ho kenela ditlhodisano tsa tenese
lefatshe ka bophara a sebedisa setulo sa mabidi.

A hapa ditlhodisano tsa Belgium le Switzerland.
Thonamente ya tenese ya Swiss e bile yona ya e
ratileng haholo.

Mona Afrika Borwa, o ile a tlotlwa hararo jwaloka
moparalimpiki wa selemo wa mosadi dipapading.



Ka selemo sa 2013 le 2014, o ile a nka karolo dithonamenteng tsa Australia, France le Amerika.

O bapetse tenese disengeleng a le mong, ha didaboleng a ne a ena le sebakadi se seng.




Kgothatso hape a kanaletlho disano tsa dipapadi tsa diparalimpiki, tsona ke dipapadi tsa diolimpiki tsa dibapadi tsa batho ba qhwadileng.

Ho ikwetlisetsa dipapadi tsena ho ne ho le boima, feela Kgothatso ha a ka ba a nyahama.




Kgothatso o sebeditse ka thata dithutong tsa hae. O kene Univesithing ya Venda moo a ileng a ithutela dikiri ya boithapollo le Saense ya dipapadi.

Univesithing papadi ya tenese e bapalwang ka setulo sa mabidi e ne e le yona feela e neng e ka bapalwa ke batho ba qhwadileng.



Wimbledon e Engelane, ke lebala la kgale le tummeng, le nang le jwang ba tenese moo ho tshwarelwang ditlhodisano tsa selemo le selemo.

Ka selemo sa 2018, Kgothatso ile ya eba moAfika Borwa wa pele wa mosadi ho fihla pheletsong ya tlhodisano *Wimbledon*.



Kgothatso o ne a tshwanetse ho nka leeto ho ya thonamenteng ya *Wimbledon*.

Feela ho ne ho sena tjhelete ya ho mo lefella sefofane le bodulo.

Kgothatso o ne a tshwenyehile a nahana hore ha a no finyella leetong lena ka baka la kgaello ya tjhelete.

Ka lehlohonolo, o ile a fumana tshehetso mokgatlong wa dikgwebo wa basadi.



Wimbledon e ne e le thonamente ya *Grand Slam* ya bone ya Khothatso ka 2018.

Grand Slam ke tlhodisano tse nne tsa maemo a hodimodimo tsa papadi ya tenese.

Ebile sebakadi sa pele sa moAfrika Borwa sa tenese ya setulo sa mabidi, ho kenela ditlhodisano tseo di le nne ka selemong se le seng.



Kgothatso ke sebapadi sa maemo a hodimo mona Afrika Borwa le Afrika. Maemo a hae ke a bohlano lefatsheng ka bophara.

Katlehong eo ya hae, Kgothatso o thusa le ho tshehetsa dibapadi tse ding tse qhwadileng.

O bontsha hore motho a ka fihlella toro e nngwe le enngwe bophelong a ntse a qhwadile.

—Dipotso

1. Kgothatso Montjane ke mang? Hlalosa.
2. Kgothatso o qadile jwang ho bapala tenese?
3. Bolela lebitso la sekolo seo Kgothatso a ithutileng motantsho wa *Ballroom* le wa *Latin American*?
4. Kgothatso o ile a kenela ditlhodisano tse nne tsa *Grand Slam* ka selemo sefe? Hobaneng ha hona ho le bohlokwa?
5. Na o dumela hore o ka fihlella eng kapa eng le ha o ena le boqhwala? Hlalosa.
6. Ke diphephetso dife tseo motho a sebedisang setulo sa mabidi a ka teanang le tsona?
7. Hobaneng o nahana hore mma Kgothatso ha a ka ba a tshwara Kgothatso ka tsela e fapaneng?
8. Ke ntho di fe tse etsang hore batho ba tshware ba bang ka tsela e fapaneng?

Pale ena e qapuwe le ho ngolwa ka Setswana,
e le karolo ya projeke ya 2021 ya Zenex Ulwazi
Lwethu ya dibuka tse balwang.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).

**basic education**Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Kgothatso Montjane naletsana ya tenese

Author/s: Glanice Masilo

Translator/s: Nthabiseng Tsatsi

Illustrator/s: Sibusiso Khumalo

Assurer/s: Mathapelo Morake

Language: Sesotho (South Africa)



© Zenex Foundation - Saide 2025 (Updated Edition)

CC BY includes the following elements:

BY – Credit must be given to the creator

